



KO TE

# KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TUREI, TIHEMA 23, 1879.

## PANUITANGA.

Tari o te Kooti Whenua Maori,  
Akarana, Tihema, 2, 1879.

**N**OTEMEA i tetahi Kii Runanga i puta i te 4 o nga ra o Hune, 1879, i mea te Kawana ratou ko tona Runanga, i runga i te tikanga o "Te Ture Whenua Maori, 1873," "Te Ture Whenua Maori, 1874," me "Te Ture Whenua Maori, 1878," ko te tono a Kua o Pehikura, me etahi atu, mo tetahi piihi whenua ko Patumutumu te ingoa, e takoto ana i Ohacawai, i te Takiwa o Peiwhairangi, i whakawakia e te Kooti Whenua Maori o Niu Tireni, i Ohacawai, i te 10 o nga ra o Tihema, 1878, me whakawa hou ano i te aroaro o taua Kooti, a me tu taua whakawa tuarua ki mua mai o te 10 o nga ra o Hune, 1880.

Na, he Panuitanga tenei kia mohiotia ai ka tu te Kooti Whenua Maori ki Ohacawai, Peiwhairangi, a te 14 o nga ra o Hanuere, 1880, ki te whakawa hou ano i taua piihi whenua.

NA TIKI,  
Tino Kaitubituhi.

## HE PANUITANGA I RARO I TE TURE WHENUA MAORI, 1873-4.

*Ki nga tangata e whai take ana ki te whenua kia mohiotia ai te wahi me te ra e tu ai te Kooti hei whakawa i o ratou take.*

**N**A, he Panuitanga tenei kia mohiotia ai, ko a te nohoanga o te Kooti Whenua Maori, i whakaritea nei kia tu ki Ohacawai, a te 14 o nga ra o Hanuere, 1880, te whakawakia ai te take a nga tangata no ratou nga ingoa e mau nei i te rarangi tuatahi i raro nei, ki nga piihi whenua e mau nei i te rarangi tuarua. Ko nga tangata katoa e whai tikanga ana mo aua whenua me haere ki reira.

Ka oti te whakawa, ka puta te Tuhinga Whakamaharatanga Take ki te hunga i kitea tona tika e te Kooti: heoi ano, he tino whakaotinga tena; e kore rawa e tika kia peke mai tetahi tangata ki muri.

Kooti Whenua Maori,  
Akarana, Tihema 2, 1879.

NA TIKI,  
Tino Kaiuhituhi.

Ko nga ingoa o nga Kaitono.	Ko nga ingoa o nga whenua me te Takiwa hoki.	Nga rohe.	Ko te takotoringa o te mapi.
Iratana Manuka, Hone Manuka	Te Airana Werowero, e tata ana ki Pakaraka	Ka timata mai i te wai o Werowero, ka haere, Otaitana, ka tutaki ki te raina o te taiepa o Mita Hone Wiremu, te wai o te Karaka, ka huri ra te awa o Werowero	Ka kitea nga mapi o nga whenua kua oti nei te ruri ki te Tari Ruri o te Kawanatanga Tuturu i Kororareka.
Taui Kahi ...	... Kaihua, e tata ana ki Ohacawai	E piri ana ki Te Waitaheke piihi ...	
Wiremu Whata	... Omapere Nama 2, e tata ana ki Ohacawai	Nga awa tuna ki te taha o Omapere ...	